



花宜館詩鈔卷之十六

錢塘吳振棫宜甫

古今體詩七十六首

起丙辰  
盡庚申

丙辰新歲偶成四首

滿城桃版絢晨霞此地猶能樂土誇  
新歲與人添白髮  
故鄉無分對梅花  
難拋禮數門投刺  
罷押文書吏散衙  
飽飯小眠僥倖極  
可憐烽火照江沙

陸海神皋異古今  
南箕北斗幾回吟  
輸將已竭中人產  
供峙方勞

聖主心小劫蟲沙  
春慘慘諸軍旗鼓信  
沈沈飛芻輓粟

花宜館詩鈔

卷十六

非容易多少蒼生盼捷音

湖柳春前欲弄姿  
湖蕪春後漸成絲  
仕無薄效歸真晚

老尙多情死或遲  
小聚頗耽親戚話  
南中戚屬先  
後至者七人暫閒

容作歲朝詩百年  
身世慚蓬轉翠嶂  
紅茶有所思  
曩在  
滇中

歲首有萬壽庵  
看茶花之會

當時官閣卧蠻烟  
尙有清娛伴史遷  
每以衰遲嗟異地  
豈知寂寞更今年  
荒厨供膳誰調味  
老骨驚寒欲廢眠  
賴是春風能愛客  
殷勤披拂向華顛

食餅苦硬切而淪之以湯遂成飽餐戲作一詩

說餅休嗟我願違  
注湯薄切手如飛  
殘牙媿甚盧延讓

凍鼻欣然束廣微意在養生惟取適事須變計豈云非  
閒階摩腹看羣蟻一粒無由療爾饑

義馬行爲就園都統雙成作

咸豐三年就園督兵勦北路賊賊夜襲營所乘  
馬爲礮火驚逸賊牽馬馬踉齧不肯行遂獲賊  
乃并獲馬就園義之五年北路賊平還軍西安  
作圖以表其事

礮火燭天天色赭一軍夜驚逸其馬馬不賊屈不受糜  
禽賊馬乃從而歸將軍喜極仰天笑馬亦騰躍當風嘶  
古來烈士誓不事二主嗚呼此馬其庶幾潼關百尺臨

花宜館詩鈔

卷十六

二

大河揚鞭入關歌凱歌當時共爾決死戰不意老骨歸  
鞍馱主人報爾亦何有索畫索詩傳不朽可惜心肝不  
能畫但從毛鬣論好醜君不見玉山之禾高於山太僕  
歲耗官家錢毛豐肉滿不思騁天荆地棘時方艱安得  
天閑十萬匹盡若此馬能酬恩蹴踏萬里清中原

喜李鐵梅侍郎嘉端還關中

落葉不可掃長安秋已深相思復相見一慰酒邊心家  
事貧難了巢痕近可尋入門看繡襖新喜蚌珠吟方有添丁

喜之

司徒子臨方伯照招遊金勝寺

木落霜晴沙路乾，輕輿搖兀似輕鞦。壇前鶴下松陰午，  
塔上雲浮嶽色寒。香城迴環新造像，寺仿吾杭靈隱田  
字殿塑五百應真  
像清觴酬對暫，閒官出城第一伸肩事。打稻村村笑語  
歡。

就園都統歸自甯夏

城頭落日角聲催，城外千輪戛怒雷。莫笑將軍頭似雪，  
賀蘭山下射鵬回。

三百三十有三士亭圖爲鐵梅題

有序

乾隆間朱竹君學士筠督閩學築亭署中，命所  
得士以石贄石勒姓名，遂署其亭曰三百三十

花宜館詩鈔

卷十六

三

有三士亭嘉慶間汪兩園前輩潤之屬姜王二  
生各爲一圖，姜圖後爲徐松龕繼畬得之，延平  
倉吏因以贈吳晴舫侍郎鍾駿王圖則鈐以官  
印藏學使署。此圖蓋後出，乃湯甬生副鎮貽汾  
筆道光乙巳，連生攀桂持獻李鐵梅侍郎嘉端  
謂得之陳碩士侍郎用光所汪陳吳李皆先後  
督閩學者圖則陳屬湯畫也。丙辰九月鐵梅出  
以示余，時余將入蜀，促成一詩，系圖後。

三百三十有三士築亭佳話，閩三山兩生繪事妙粉墨，  
風流文采爭流傳，合離顯晦似數定蹤跡，一一粗能言。

此圖後出琴隱手風色謾謾雲閒閒太邱去後鮮知者  
未免流落塵埃間鐵翁北學二朱後

竹君石君兩先  
生相繼督閩學

士愛石追前賢造物有意相付畀豈惟翰墨中有緣而

我披圖慟琴隱舊遊同扣西泠舫金陵僑寄成人別一

巨城郭荒榛菅詩成慷慨死高節廣陵散絕嵇生絃

甫生

詩書畫皆工又工琴琴隱其齋名也  
金陵既陷賦絕命詞一章蹈水死

圖書散逸不足歎

祇今亭埃紛烽烟朝廷養士二百載當有豪傑綏時艱

譬諸奇石鍊五色破漏爲補媧皇天戢干囊弓武成告

承平再見乾嘉年吾儕巾屐幸會合白頭無事相流連

重搜舊笥出此幅買酒翫賞情非慳臨歧裁句當息壤

花宜館詩鈔

卷十六

四

翁謂此意然不然

入蜀示從孫

晉

爾亦從吾去吾家慣蜀遊

先府君弟兄及棧諸  
弟兄子姪多入蜀者

百年庭

樹老一騎棧雲秋夢斷休拋枕山寒早御裘高堂應苦

憶好覓寄書郵

短榻

短榻清如許何曾睡味濃烏啼數株柳月墮一城鐘新

鬼悲淮戍鄉書隔楚烽時時思縛袴攬鏡媿衰容

自恨

自恨迷先見何能遏亂萌探丸驚斫吏據柵竟稱兵已

歎千家破休誇一鼓平幸無勞

聖慮萬騎正南征

丁巳鶴遊坪石社廳奸民同時搆亂幸不半月而誅捕訖事

### 喜雨

麥畦青減苦乾晴好雨能教市價平一樣芭蕉窗下聽  
會無點滴是愁聲

### 喜杰兒率細弱至成都

拜跪堂前一笑吟謂余雖老未衰顏十年往事從頭話  
滿屋鄉音入耳來急爲諸孫新左塾更呼舊僕勞深杯  
江南計日殲豺虎終擬全家買權回

### 過雪山關作

花宜館詩鈔

卷十六

五

此去西南徼音書隔瘴烟壯心猶未已衰髮莫相憐樹  
老無人徑山寒未雪天卻愁諸將更衣薄未裝絲

### 渡赤水入黔境

旌旗兩岸夕霞殷喚渡蠻江幾往還似別故人情未盡  
回頭重看蜀中山

### 戊午曲陽新歲雜書

絕無畫鼓與紅絃新歲荒城太可憐好是家家鋪綠罽

山中松鬣不論錢

俗以松毛鋪地

鶉鴝聲急雨絲催便有癡蠅入座來莫怪今年春太早

去年除夕已聞雷

宋英絳萼損嬌織日日顛風颺畫檐不似家鄉二三月  
桃花門巷杏花帘

幾年醞釀斷湖湘蠻俚惟誇汗酒香我是愁多無解法

一杯空注玉浮梁春然姪以甜酒餉  
吾枕所謂酒釀也

入市青黃只野蔬行厨蕭索食無餘忽驚一箸添珍味

海子新來尺半魚新年惟鬻蔬菜  
昨得一魚食之

龍虎街期斷市囂衰年嚼雪興難豪新歲有  
賣雪者且留饋歲

花豬肉日進杯羹慰老饕市集謂之趕街子如寅日為  
虎街辰日為龍街至新歲則

不復趕  
街矣

曲陽春感和沈朗山明府壽榕元韻

花宜館詩鈔 卷十六

六

少壯消磨付管城無端衰齒忽談兵已拚拙被時人笑

早合歸從野老耕烽羽影沈金馬遠江湖夢寄白鷗輕

愁心不比階前草直待春來始漸生

願呼壯士挽天河何日千村罷荷戈世事紛紜蠻觸鬪

邊山荒遠虎狼多昆明劫大灰餘跡洱海風狂水易波

自古花門留禍本寸心愁絕杜陵歌

最羨屠蘇酌後先春盤聚飲雜腥羶豈知遠道移家客

仍闕諸孫押歲錢去年四月兒子率諸孫自浙至蜀而  
余以八月由蜀入滇離別十餘年迄

未得同拈鐵甕捷書傳絕徼時方得鎮江  
收復捷音布帆歸計決

明年祇今病骨支離甚無地酬恩默自憐

草檄飛書幕府才揮鞭同踏瘴雲來抗聲白雪今誰偶  
買骨黃金古有臺奇氣乍驚刀出匣深談易遣燭成灰  
短衣萬里龍鍾叟愁裏雙眉仗爾開

題太華山寺巖栖上人照

西嶺日在望秋風吹更青潮音滿山寺

山下卽  
滇池

晚帶魚

龍腥居士瓶盃舊破屋窗戶清知余鄉中事曾聽湖上  
鶯

巖棲嘗  
至杭州

近來嬾不出荒草雙扉扃齋粥尙可飽短句

亦偶成古今多蓮社賢達無淵明傷哉仕宦客旦暮千  
憂并

病中書巖栖詩藁後

花宜館詩鈔

卷十六

七

多少清才繼七僧

西湖雲林有榜曰  
七代詩僧之室

卅年湖水夢無憑

余去杭州幾  
三十年矣

豈知戰火蠻煙外分得詩禪無盡燈

寒花香護講經臺海上諸峯翠作堆不是支笻無氣力

尋詩早過虎溪來

空心石

產鎮沅中有泥丸有去  
之而製爲水盂花瓶者

聞有空青石澄澄水盈腹能令盲者視功載桐君錄此  
石似不頑山中或同族惜哉塞九泥氣遂判清濁於人  
旣無補抱質慚碌碌製器具體微未免童豎辱貴賤豈  
人操要視中所蓄

昆池行簡家荔裳學使

存義

昆池自古水倒流兒時聞在天盡頭勞勞歲月付行路  
君來兩度我三度君來後我二十年風景未必如從前  
登樓高詠數陳述

君初次督滇學時有登彩雲樓及登樓看雨諸作

且喜無事

心悠然前年駭浪奔鯨鱗白骨成山血成壑城門晝閉  
畫角哀鬼聲醜醜沸林薄豺虎居西鄙猩狒嗥東隅其  
南地熱盛瘴霧妖蛇毒虺相吞屠喋血千里畚丁廢畊  
夜聞野哭不聞雞鳴津梁不可越輶傳焉得行轅門寂  
寂停迂鼓故書質酒杯獨舉門生不來吏遁匿醉抱枯  
琴臥寒雨今年相逢北門下城頭大旗日如赭日如赭  
千山秋斷劍不可舞破缶誰能謳眼中歷歷認城郭鶴  
花宜館詩鈔

卷十六

八

語悽惻生繁憂鬢花惱人尙豔發懷舊已失花閒樓君  
今憔悴欲東去我尤疲茶官宜休方輿蕩蕩天四周安  
得一壑與一邱我今何以爲君謀君不見大弓黃間箭  
白羽諸將中原紛部伍

冬煖

陽和不借酒通神白醉南窗睡息勻甚盼雪光明屋瓦  
偏饒風力舞街塵高田醫旱愁無策窮巷號寒尙有人  
桂布吳棉何處覓空吟萬里煖如春

滇中棉花及布皆販自別省道路多

梗販者不至價日騰貴故用白傅詩意

書荔裳榴實山莊詩稿後用前韻

羨君使筆妙如神文質相宣骨肉勻豔絕萬花都照海  
飄然一鶴欲離塵天邊鼓角悲清夜夢裏江湖有故人  
回首簪毫賸和日上林還是太平春

十二月十四日姚實庵錫華鄧子久爾恒汪慧生

之旭 繆可齋闕四觀察夜集致爽軒疊前韻

窮猿飢雁最傷神賴有諸公惠澤勻論事祇令添鬢雪  
舉觴聊與掃心塵梅花笛裏初圓月竿木場中罷舞人  
應爲衰顏儲臘甕東門帳飲及初春

題家荔裳繫懷圖圖十六冊蘆溝曉渡泰岱秋吟  
華嶽聯鑪劍門策騎洞庭待漲

赤壁停橈鄱湖對月鍾阜看雲采石登樓西湖  
泛艇洪水憑橋霍山攬轡飛雲勝覽翠海重游

花宜館詩鈔 卷十六 九

皆游跡也後繫以南齋入直江  
渚退耕二圖紀思遇志歸思也

吾宗少居貧孳經穴幽窅才名動京輦老輩服神巧翔  
霄謝燕雀噴玉騁驥褭辦裝具琴書乘傳盛輿阜消磨  
幾兩展歲月過飛鳥江山尚歷歷烽羽忽擾擾鄉關望  
金陵殺氣陣雲繞空聞斧鉞錫未見櫓槍掃其餘舊遊  
歷塗地半肝腦淒響咽鼓鉦焦原蕩城堡流亡聲嗷嗷  
宵旰憂悄悄無能效馳驅何日剪凶狡回思被

殊寵侍直備咨考出入依日光賡颺奉

宸藻念此報答難乞退不忍早轉輾成淹留憂患促衰  
老清時會有待夙願冀可了作圖詳始末出處不草草

幸哉故園存尙可藝葵蓼租稅有餘錢伏臘有清醪雞  
柵樹及時牛宮占得兆冬學召村童春夢話隣媪餘生  
荷

恩澤陳迹墮茫渺田歌清且閒齒髮百歲保

又題二絕句

萬里山川尺幅收細看都是我曾遊船牕店壁經行處  
見我狂題舊句不

我亦先朝老翰林南齋君被

主恩深金鑾故事燈前話多少天涯感舊心

十二月二十三日奉 諭旨准開缺回籍安心

花宜館詩鈔

卷十六

十

調理感 恩恭紀

知遇

三朝感激深更叨

溫語許抽簪諸軍未盡鯨鯢黨何日纔安犬馬心朋輩  
卅年存碩果襟期千載託枯琴酬

恩無地身先老倦羽羞言戀故林

病榻口占

經年病骨太支離謝事休防俗客疑出處豈容蛇畫足  
姓名羞說豹留皮禍猶未已千瘡痍事到難言一涕洟  
慚愧故人勞注望春濃花發數歸期

倚松書屋追悼家文節甄甫二兄 文錄

同年同姓復同官別我東征慘不歡壯志竟償屍裹革  
殘形猶認髮衝冠死誠得所才堪惜讒不能行事最難  
君殉節後有以騎贏不知所往誣奏者頤 聖明鑒其忠而讒者卒以他罪死 今日重尋談  
讌處松陰黯黯雨聲酸

己未立春 正月初二日

元辰纔昨日病骨喜春回賀客猶留刺癡奴自舉杯庭  
閒羣鳥下花煖早蠶來東道無消息歸心日夜催  
得春浦相國同年書并饒欲亭後集

聯茵接軫少年場病羽離襪老可傷時事驚心惟有淚  
花宜館詩鈔 卷十六 十一

閒身戀

主未還鄉課孫攤卷燈檠短約伴尋僧柳栗長四海蒼  
茫雙白髮被人都喚魯靈光

雙橋杯勺話春寒 壬子春君居浣園雙橋僧舍 別後新詩再讀難萬

里遠貽知重我千篇驟富爲無官鄉音唐魏風原古師

法黃陳 左田尙書碩士侍郎 氣獨完天末報章君弗訝封題已換

兩年干 來書寄於丁巳之冬戊午十二月始到滇今作答則己未春矣

以病去官將還成都感賦四詩兼以留別

久矣袁庸負

聖明許將閒適葆餘生

天能予壽恩真大心尚憂時責已輕獨夜風霜頻望遠  
十年蛇鳥未休兵小臣旬綬須臾死淨拭昏眸見太平  
一自華年出鳳池麤官奔走髮成絲側聞

宵旰憂勞甚注意安危將相誰出沒蛟虬江海水蒼涼  
箕斗酒漿詩向來見慣承平事耕鑿相安似不奇

洱水風烟仍慘慘黔山雨雪正霏霏  
債轅老馬疲無用  
避繳驚禽倦亦飛  
羊酒親鄰情最切  
鶯花湖渚願多違  
柴門婦子歡迎處  
萬里橋邊未算歸

蠻徼三番賦遠征  
老來離別不勝情  
功名此地爲終始  
道光壬午授雲南知府外任蓋自此始  
烽火經年共死生  
何幸春盤猶饋

花宜館詩鈔

卷十六

十三

歲願銷金甲早催耕  
南天瘴癘全消日  
急寫長箋報錦城

安順道中

扶杖千山裏身從虎穴過  
名猶土目在頑奈石頭何

之長曰土目時安順諸峒苗多遵諭投順者惟石頭寨負固不服守令方率兵勇攻之未克  
文吏能

環甲村農亦荷戈  
不堪東望處  
風雨夕烽多  
貴東郡縣苗亂尤甚

永甯州

城中十八姓戶口舊來稀  
春菜穿籬綠溪桃帶雪飛  
重

裘寒未解破扉容如歸  
笑看紅巖字傳聞或未非  
紅巖

州境近人謂是殷高宗伐鬼方作或謂武鄉侯遺跡皆無據也

盤江鐵索橋歌

此江甚廣不可梁此水甚怒不可航山高入天下入水  
兩岸壁立青相當千緮百杙此橋就鐵鎖連屬百丈強  
幾時改驛馳驟行旅爭言新路好百年榛莽瘴烟深  
獸跡日多人跡少此橋本驛路雍正間改驛遂不經此  
比因苗亂新路梗阻故復從此路行  
也近來新路復多阻峒苗披猖擾烽羽掃除既恨兵薄  
弱徵輸更歎民困苦荒坡高下田不耕破窰欹斜店無  
主人懼掠求故道膽落危橋戰雙股江上風雪聲蕭  
騷我來急為呼掾曹今年請錢速修築毋使鐵爛橋動  
搖兵行似從枕席過煙塵要使須臾消君不見西征萬  
花宜館詩鈔卷十六

三

騎雄且武薄伐事在康熙朝康熙間征吳三桂  
一軍從此路入滇

至成都

錦里花如許東風殢曉寒身經幾回到余幼時侍宦蜀  
中迨己酉為蜀

藩丙辰膺蜀節今又由  
滇入蜀蓋四度居此矣心作故鄉看漫說思歸久休嗟

卻疾難孤軍投絕徼原不望生還

書強忠烈公克捷手蹟卷子後有序

嘉慶癸酉直隸逆賊林清與滑縣人李文成牛

亮臣等謀剋日作亂忠烈知滑事廉得實禽其

渠械治焉賊黨謀劫獄囚不及期先發城陷忠

烈一家三十五口殉義死而郡縣皆嚴備兵林

清犯京師滑黨無得至者故立就夷滅

仁

宗皇帝錄公爲功首有功在社稷語褒贈之禮甚備咸豐己未九月公子前忠州牧望泰示以

公手蹟卷子家書二遺囑一論李忠愍毓昌死

事文一再拜三誦而系以詩

洪爐發猛火良玉光不蝕烈風西北來勁草衆始識懿

惟嘉慶朝文武多英特心肝奉

至尊臣節繇是植紀年當癸酉京輦余旅食晝驚妖彗

長直掃帝垣側九門斷車馬氣色盡惶惑赫赫威烈槍

一破天地黑電旗挾雷鼓中夜掃狐豎清蹕在近郊萬

花宜館詩鈔

卷十六

古

騎旋寶勒晏然遂無事天蓋相有德

林清之亂宗在上書房聞警

宣

馳至養心門槍斃二賊賊始退後

旨錫槍名曰威烈是年

仁宗命承恩公仁宗秋獮

至伊瑪圖山潦發遂旋蹕故亂甫作而車駕已在近郊人心遂定

先時白波寇遠結黑

山賊滑臺實凶巢牛李姦叵測苟非巨刃揚孰能翦其

翼外賊應期至三輔旤愈亟神都百萬戶懸命在晷刻

偉哉忠烈公摘發無伏匿恨未膏斧礎獄底係徽纆先

發勢轉孤計早亂源塞嗟嗟城隍隳小縣闕兵力闔門

卅五口橫尸慘聞闔大吏疏以聞

天子驚歎極推原事本末煌煌下手勅謂非尋常功

乃在社稷風轉四十年回首猶記憶賢子政甚清抱卷

日拂拭卷中千百言精氣貫簡墨訓家最儉勤論事豁  
忠直剛腸無巧舌讀者但太息就義真從容視古顏無  
慙方今久苦戰徵調徧南北將吏豈不多烽燧胡未熄  
昔時亂則戡未至憂蹙國長歌凌霜曉述往意淒惻作  
歌者爲誰先朝史臣械

慈竹吟

有序

登州張牟子明府

香海

應試都門時太夫人劉

作墨竹一幅訓以直節虛心語並大書一兒干

里去二老寸心隨隸書十字同寄焉牟子官蜀

久善爲政頗與躁競者異趨秉母訓也今年以

花宜館詩鈔

卷十六

五

畫竹卷子示余因綴數十字於後

美哉竹森不折虛者心勁者節畫竹遠寄兒寓義于畫  
指代舌一枝一葉皆苦心豈以鈎鎖論工拙方昔寄畫  
時母老痛生別而今畫空在兒老腸斷絕吁嗟乎石可  
泐水可竭竹上之淚不可滅

將歸

鎮日心如醉今年髮更稀愁多難卻疾老至媿知機蜀

道兵方動吳船願已違

叙州盜起江路梗阻故陸行由秦入楚

莫嫌歸路

遠終勝夢中歸

行蜀棧中晴煖可喜

入棧愁風雪今來喜久晴冰消一澗活山煖亂霞明枕  
戀晨眠穩裘貪病著輕相逢多故侶時勸數杯傾

### 漢南除夕

年年蹤跡與誰親獨把屠蘇最愴神何幸團欒同此夕  
不嫌棲泊作僑人秦亭遠隔天邊夢漢水潛回雪後春  
計日歸艚東去蚤舊廬花事鬪鮮新

十餘年來兒輩皆  
未存側今年由蜀

攜眷屬至漢中小  
住始同拈歲酒也

### 庚申正月十三日立春南鄭令送春牛感賦

午牕睡起一欠伸縣胥打門來送春雙丫小髻衫袴短  
春泥搏作司春神牛身青紅雜黑白干支納甲各有因

花宜館詩鈔

卷十六

六

雛孫把玩詎解此但喜塗染光鮮新憶我當時作郡守  
歲歲打春例循舊繡袍三巾彩鞭長觀者萬人喧白晝  
上官轅門急走賀朱蓋青旗互馳驟塵埃半世蝕朱顏  
瘦骨於今無可瘦投簪經歲仍羈棲漢南楊柳將生稊  
卸帆何日到故里看扶雨後湖田犁田家養牛得牛用  
芻牧須酬主恩重老向春風只自憐直似土牛鞭不動  
過洋縣問簣簷谷已無竹城中亦無鬻筍者

山中燒筍舊風流今日偏難此願酬酒興詩情都減卻  
一盂蔬飯過洋州

### 至鄖陽聞杭州陷

錦繡湖山六百年忽驚城郭慘烽烟一家星散今安在  
半路風聞恐誤傳事勢東南嗟已矣諸公戰守太茫然  
干戈滿眼無歸路愁絕春江獨客船

至襄陽聞杭州已收復而城內外焚掠殆盡感歎

累日

援軍驟至擁雕戈報捷居然捲白波

張公玉良援兵至賊謂是張殿臣副

帥也遂

遁去 僥幸遺黎猶未盡傳聞劇寇本無多已知極望

悲榛莽更恐狂奔脫網羅江上爭看新使節旌旗氣色

近如何

時王公有齡擢浙撫

襄陽客舍

花宜館詩鈔

卷十六

十七

江漢此通津歸舟阻戰塵休拋醉時淚且度客中春學  
恐諸孫廢情惟故僕親書牀勤拂拭莫汙燕泥新

哭戴鹿牀侍郎

熙

俞雲史觀察

焜

侍郎未老先投綬察使言歸久杜門縱是退居無吏責

何甘偷活負

看恩

杭州城陷之日侍郎投池水死觀察持門間橫木擊賊爲賊所賊

破巢完卵應難

問斷幅零縑儻尙存亂後親朋多死徙更誰翦紙與招

魂

客舍書悶

客裏全家爲避兵一椽辛苦燕巢營書郵日有傳聞語

河南擒匪欲入江戍風多戰伐聲城外設防兵又設礮  
襄樊日有探報船十四隻故礮礮聲  
不絕于耳強飯且貪魚入市不歸真負鳥催耕莫從峴首尋  
遺跡裘帶還傷弔古情

江上口占

樹色隆中近烟光峴首明如何豪傑士不向此時生

盤豆驛

一劍入幽燕回頭五十年當時盤豆驛正是落花天破  
店驢衝路昏燈鼠攪眠雛孫渾未省細與話樽前

提督張公國梁輓詞

歸義尋常事忠勲見此人才推今天將心擬古貞臣殉

花宜館詩鈔卷十六

國悲倉卒論功劇苦辛中朝詢訪急惡耗恐非真公陣亡後

屢奉 詔旨詢訪數月後始下 恩卹之命蓋猶望其遇救獲生也

主帥何如者真憐乳臭兒倚權違苦諫失計潰全師盜  
賊爭相賀東南遂不支如公能老壽錢亂豈無時

十月十一日李鐵梅侍郎顏雪廬學士張幼航編

修鍾雨辰殿撰黎鳳樓徐甥潤生兩庶常小集

花宜館卽席得詩四首

開軒看雪薦清觴是日得頭番雪應憶宮壺賜玉堂萬里相逢

一相勸七人同館四同鄉風霜客枕寒笳急日夜軍書

驛路長此會休嫌太真率眼前難得是歡場

九苞文采鳳皇翎先後飛鳴向紫庭金馬碧雞虛奉使

雪廬奉命督學 滇南中路以病告鷺湖鹿洞各談經鐵梅幼航潤生皆掌教書院 舊

遊經歲懷春樹鳳樓去歲自陝入都 快事因風聚海萍可惜未能

招病鶴少鶴學士以微疾未至 蒼苔白石戶長局

百年臚唱繼吾宗杭州自乾隆辛未家頓雲先生得殿元後至今年庚申雨辰繼之蓋一百

十年矣 歸阻江關路幾重塞柳風高寒易水八月八日大駕東幸

雨辰亦於是日出都 嶽蓮秋老問秦封地無兵燹何妨住客盡神

仙豈易逢只是夢魂拋不得半山黃葉曉霜濃時雨辰太翁笑

溪先生避跡半山

卅年花負六橋春老向天涯說買鄰廿四科前談往事

花宜館詩鈔 卷十六 尤

五千卷裏寄閒身京華定罷開爐會聞都中居人多移徙者 朝右

誰爲借箸人莫笑燈前頭白盡酒酣詩膽尙輪囷

與客論澶淵事

麾蓋城頭氣色新豈勞吳蜀走風塵萊公一語君知否

陛下當誅畫策人

蔣申甫京兆琦齡 至長安用春間在襄陽倡和韻

作詩亦用原韻答之襄陽倡和稿已佚

朝廷用一賢能制千里難嘗讀韋公疏此語豈河漢宋

入恥城下甘心析骸爨焉容揖強寇供饋隆客館何人

逞狂謀不顧世笑粲

皇都大一統九鼎莫敢玩謂宜濟艱屯諫說詘流漫車  
馬竟驚奔垣市星氣散君時方閒居憂心海無岸出入  
誰可言寂寞日長歎封章未及上字字光照爛驅車入  
晉郊勞苦晨及旰河山揣形勢迎扈畫良算抵掌公卿  
間可半不可半未能羣議諧遂阻大號渙秦川復攜手  
談往意徒亂臧否究亂源論事古今貫吾今苦衰病每  
食憤推案誰能斫姦窟詎乏楚山炭官府頌清明

天子有嚴憚

復用前韻答申甫

去年住成都州郡紛變難避兵辦征裘分米向梁漢無

花宜館詩鈔

卷十六

三

鄰可饋歲有婢聊典爨

去年在漢中度歲

今年來長安萍寓仍

假館身如賃庶鴻心是登樓粲殘冬又行盡歲月難把  
玩病羸不出戶真合自呼漫還丹安可求已恐形氣散  
東南箭滿眼鄉信斷越岷雖懷首邱願空作思歸歎喜  
君數相過照我巖電爛風格聳崢嶸文采恣澔旰牧之  
有罪言張蒼多善筭我慙讀書少不及袁豹半每聞捉  
麈談頓使俗情渙憶母將還轅琴書理繚亂所居亦異

鄉時復愁徙貫

駢鸞

和海夢山勢列屏案可當轉折韶

海寓出湯炭萬里幸生還行役勞豈憚

申甫家粵西以避兵流寓澤州

申甫以詩集見示并辱點勘拙稟復次前韻奉呈

君本列仙儒論詩喜質難志氣尤不羣鴻鵠薄秋漢清  
響流人間豈類散木爨多年領劇職不戀蓬萊館勸課  
先耕桑推勘到薪粲偶然得燕坐時復一吟翫昌黎語  
自硬杜老興多漫乃蒙牙絃契謂未溺邪散豈知非寶  
筏渾未識彼岸空爲莊鳥吟敢望蔡邕歎君如日初出  
光映五色爛我年迫衰遲巖景已及盱計較傳不傳此  
意真謬算行將焚筆硯日得靜坐半萬事看塵飛千愁  
自水換秋眺雲物清春賞花鳥亂閒遊短筇攜坐釣長  
綸貫徹帚何足珍蠹粉任盈案儻更疲心神希涼翻抱  
炭虛聲亦何爲不聞無憚憚

花宜館詩鈔

卷十六

三

花宜館詩鈔續存

錢唐吳振棫宜甫

讀史有感四首

補庚申

高堠傳烽處處驚，羽書諸道趨援兵。  
似聞下殿星成讖，最苦零鈴雨有聲。  
朝右諫書關國本，村中盤豆見人情。  
漫嫌路指崑邱遠，八駿能行不計程。

硬雨明霜大幕秋，六宮垂涕亦從游。  
鸞旗驟過牲牢闕，虎帳初開鼓角愁。  
自昔邊聲多苦思，回看佳氣滿皇州。  
天門詆蕩除黃道，萬騎龍驤莫久留。

珠樓綺閣塞山連，寂寞宮花鎖禁煙。  
日月重開行在所，花宜館詩鈔

一

車書猶憶太平年，扈從人散朝初罷。  
游賞詩成句早傳，歲歲秋來多樂事。  
白頭老監話從前。

漢家三十六離宮，都在山環水抱中。  
舊有詩章頌靈囿，頻移仙仗過崆峒。  
楚臺荒後人俱盡，秦火焚餘地尙紅。  
太息月圓明似鏡，歸禽無樹噪西風。

元旦

甲子

今年甲子是堯年，捧日紅雲色更鮮。  
枕上依稀京國夢，殿頭瞻望御鑪煙。  
傾餘歲酒杯重把，坐久書巢榻欲穿。  
老病杜陵難再拜，漫勞車騎到門前。

春夜聞雁

羣飛北嚮雁聲哀恐是烽塵鬧處來廢隴荒邱無飲啄  
陣雲戍火亦驚猜鄉關人盡書誰寄旅枕魂銷漏正催  
窮塞得歸翻羨汝雁門清角曉雲開

三月初二日雪

準擬明朝作襖遊酸風捲雪夜颼颼展聲并斷常來客  
酒力終輸未典裘空羨閒身呼漫叟豈知衰鬢客邊州  
細思一事差堪慰餅餌他時價易酬

偶成

恩恩上已接清明無柳無花雪未晴書卷祇憐成老蠹  
酒杯何處聽嘒鶯陶輪世界嗟如此電火光陰暗自驚  
花宜館詩鈔

二

拂拭吳鉤思贈客可能入海斬長鯨

暮春得支少鶴

清彥

書賦此卻寄并寄李鐵梅

嘉

端

短衣長劍避兵塵玉札相存有故人酒味菊園猶昨日

君寓長安城東菊花園

雨聲茅屋又殘春飢寒得免生誠倖離亂

從頭說更真自古秦中歌舞地因君回首一沾巾

陝回作亂

余移家入晉

半生拋卻故山薇等是思歸那得歸鷺嶺雲荒齋磬斷

鴛湖草滿釣船稀已聞小縣皆傳檄

杭嘉屬縣已有收復者

何日

諸軍大合圍爲問畫梁知在否東風雙燕定誰依

清明麥飯動長嗟老向邊州紀歲華三尺凍泥纔種麥

滿城寒雨不催花

太原地苦寒清明麥甫下種花信尙遙也

金戈鐵馬愁

邊夢藥臼茶瓢客裏家無肉近來甘晚食好將消息報

天涯

滯留蹤跡與君同更有城南李鐵翁朝右聲名皆怒虎

晚年心事亦冥鴻兒啼索飯干戈際賊退裁詩涕淚中

我是仙葦舊游侶一卮長記酌鞞紅

嘗招少鶴與余至八仙葦看牡丹今

又值花時矣

題張椒雲方伯

集馨

北山歸隱圖

北山之北雲深深紅泉落澗似鳴琴山中松柏應無恙

花宜館詩鈔

三

歲歲歲寒同此心

北山人家花抱村風光曾向客中論

辛酉冬嘗與子語北山之勝

何

時爛醉花閒臥日日高還閉門

北山蒼蒼胡不歸人生危似劍頭炊今年白髮添多少

夜夜夜深聞子規

書錢愛廬明府

官俊

詩後乙丑

故鄉多少舊樓臺賦到江南總可哀萬點紅燐一輪月

夢中曾弔戰場來

平望烟波圖爲陳曼士題

泊宅春波漲雨痕綠蓑青箬滿漁村

泊宅村在平望震澤間乃張志和所

居見滄  
懷錄

一生輸與耕閒叟只覓新詩不出門

孫銳號耕閒宋末隱

居平望  
工詩

送孫稼亭明府

福清入都

天門詆蕩接瑤京

井陘險隘俗稱四天門

古驛春深柳弄晴貧宦

難拋雞肋味離愁又入馬蹏聲求官甚苦奴偏喜題壁能奇客盡驚只有纏絲無限意紅闌含淚問歸程

楊花

丙寅

一春春思最纏絲暖趁東風細趁烟多少花仙鬪紅紫此花端合號飛仙

望裏空濛影欲迷畫橋南北水東西心情冷淡吾知汝花宜館詩鈔

四

願委清流不染泥

九日遊城南小五臺陸畬莊

以鏤

以病未得同遊

越日乃以詩來同元韻奉答

五臺翠嶺不可到此地登臨亦快哉病骨偶教佳節負長鬚翻送好詩來醉中餌菊身能健夢裏看山眼乍開他日歸尋湖上約持螯應許一尊陪

詠酒三首

丁卯

鴛黃蠟綠細評論醉眼眯睩認未真異彩擎來仙掌露

微波寫出洞庭春

黃柑釀酒名洞庭春色

酩酊顏低映臙脂煖列座

爭看琥珀新但使頑愁能掃盡便傾白薄也眉伸

色

未飲先教笑，口開鬱金香。重發春醅詩，魂濃沁牀頭。甕  
花氣微攬，月下盃刺鼻。最憐村店近，流涎難忍麴。車來  
傳聞妙法能，薰髓銀臯何煩夜撥灰。香

清濁難瞞入口，初書旗誇酒。豈全虛一生嗜，好酸鹹外  
四座評量。醉醒餘良友，飲醇誰似此癡兒。著水亦憐渠  
人間旨否嘗，應遍持較仙漿總不如。味

八月二日張仲甫應昌許信臣乃釗曹葛民鑑高

古民錫恩汪子用曾唯以余南歸招飲冷泉亭

用仲甫韻戊辰

卅年車馬走塵埃，雲水光中洗眼纔。山戀西湖不飛去  
花宜館詩鈔

五

客如老鶴竟歸來，亭圍樹色涼衣袂。風卷泉聲入酒杯  
矍鑠諸翁游興劇，日斜未惜久徘徊。是日余先入城

東軒吟社舊圖為汪子用作

十年談讌託清尊吟社首尾凡十年清尊集則所乘社中詩也寫作長圖付

子孫坐覺世緣催，露電舊傳詩價重。瑤琨從官地遠逃

兵劫子用官楚北此圖留行笥中未遭杭州兵燹之劫感舊篇成漬涕痕，莫傍

黃廬尋往跡，畫中人只兩人存。圖中二十七人今存者張君仲甫與余二人而已

秦小峴侍郎瀛西湖蘇公祠圖為澹如觀察細業

題

蘇公曠逸人中仙宦游最結西湖緣  
杭人賴公救饑旱報功僉謂祠宜專  
繡衣使者力任事卜築不惜糜私錢  
國家承平吏牘簡落成召客開長筵  
風清日美游舫集湖花湖柳增新妍  
同官正遇故相阮阮公巍巍北斗名  
雙懸兩公提唱盛風雅名流碩彥來  
聯翩擅場妙手圖勝境圖成火急催  
詩篇我方弱冠熟聞此

四朝閱歷今華顛吁嗟豺豹慘喋血  
烽羽怕說庚辛年湖山一朝失故態  
焚林發屋成荒阡天河洗兵四野靜  
新祠復建湖東偏使君之來世濟美  
風流文采相後先舊圖展眎話興廢  
俯仰今昔心愀然此邦文獻頗闕失  
花宜館詩鈔

六

似此盛事宜流傳櫝而藏之寶龜玉弗使變化隨雲烟

元旦試筆己巳

春陽入律未多時已有和風弄鬢絲  
嬾不出門何況雨閒惟就枕便能詩  
恐來熟客留住佳釀喜看新花發舊枝  
繞膝含飴真可樂更將啼笑試嬰兒

近得一曾孫

園梅初開有感

十載征袍未浣塵江南誰寄一枝春  
歸心差慰留荒圃老眼相逢似故人  
何用郊游煩選勝可能詩思與爭新  
兒童莫問孤山路樹樹寒香斫作薪

余滯留秦晉十年梅花不易見也

花宜館詩鈔續存終

無腔村笛卷上

錢塘吳振棫宜甫

有感而發無聊之思詩所不盡變而爲詞空中綺語  
游戲及之自悔其妄人笑其癡南唐北宋匪我所知  
牧童橫笛是我之師修餘老人識於花宜館

齊天樂

南湖徐氏酒樓在慧雲寺側倪米樓顏曰華隱  
宋芝山爲作圖一時遊讌酬唱最多不及二十  
年而湖山詞客十九彫謝况樓中人耶披翫遺

墨因爲此詞

無腔村笛

卷上

一

清清冷冷慵擡眼斜陽半樓紅處記說年時香甜酒嫩  
儘有銷魂詞句鶯啼甚苦似怨著湖波送將春去春便  
重來亂花愁踏寺旁路 調鉛誰寫尺素有風流老輩  
多少情緒展卷而今絲絲瘦墨算把春痕留住晴絲漫  
舞問翠淺紅深更誰吟付與年年杏帘鳩咒雨

南鄉一翦梅

淺絳一重紗窗外春光  
是別家飛去飛來誰管得一半  
桃花一半楊花 草色碧湖斜  
無分尋春逐鈿車偏是  
今年新作客風也多些雨也多些

酷相思

夜夜燈紅花報喜卻都做無情謎待書就鸞箋千字細  
墨盡也憑誰寄淚盡也憑誰寄 自把金鈴花下繫舊  
日箇銷魂地問何處春濃留客騎花放也人歸未花落  
也人歸未

行香子

春日湖上

簾也深深幙也深深露春痕隱約香襟生防汗漬還怯  
寒侵怎霎兒晴霎兒雨霎兒陰 花也尋尋柳也尋尋  
喚癡魂泥煞春禽相逢那處望斷而今是在湖頭在湖  
尾在湖心

無腔村笛

卷上

二

摸魚兒

夏松如之盛秋林覓句圖

展新圖問君何事吟身還比秋瘦秋聲刻畫情偏劇只  
恐錦囊輕負閒負手料早被連宵風雨催詩久千篇縱  
口更喚僕開軒邀僧訂字掃葉煖殘酒 紅塵路愧我  
車驅馬走霜鞭愁絕時候杖藜苦羨尋秋客吟過菊花  
重九君見否已幾樹西風老卻陶家柳歸來賦後揀露  
碧霜紅溪山好處詩硯鎮相守

青玉案

爲沈聽篁編修鑠題潘侍御庭筠畫柳用侍御

原韻

玉又低展絲絲動解畫得春痕重似聽嬌鶯傳脆啣宮  
袍腰瘦曉匳眉細對把銀杯鳳

時編修攜一妾居京師

金溝愧

我疲驢控忍寫風流筆閒弄誤了十年春似夢青青都  
盡不如當日傍著靈和種

減字木蘭花

去年今日梅熟爲儂親手摘梅子圓圓酸上心頭又一  
年銀榆淚滿水碧如雲流夢遠水又分流除是鴛鴦  
不解愁

喝火令

無腔村笛

卷上

三

小扇新裁素輕衫薄翦紗貪眠翻怪月難斜耐到畫闌  
深處涼意有些些憐惜愁中我温存夢裏他驕驄容  
易隔天涯只怕來遲只怕路尋差只怕香泥零落燕子  
又移家

又

半山舟夜

露草前灣色風蘆兩岸聲夢兒來去隔重城只有兩邊  
月色照得最分明悶看香初燼慵將酒獨傾倚舷回  
首不勝情記得春遊記得畫衣輕記得桃花多處船尾  
放風箏

摸魚兒

勸紅螺暫醒還醉心情真被春惱東風不管零星恨何  
苦馬蹄來早頭怕掉把一片西冷煙水輕拋了吳船信  
杳怪蕙炷消春蓮壺怨寂燈檠夜偏笑頻看取天上  
巢痕盡埽驚鴉啼向清曉曾無舊日花枝在別有斬新  
花好春易老算是箇元都觀裏人重到絲絲鬢縞臙萍  
泊閒身絮飄鄉夢雙袖淚多少

夜合花

庭中夜合一株紅纖翠密姿態嫣然坐月開樽  
客愁悵觸因填此闕以遣清宵

無腔村笛

卷上

四

細拆輕絨勻描蘸暈茜痕新試明妝瑤房露早買栽正  
傍紅牆怯清夕斂微芳寫風流葉葉相當更憐枝底眠  
香胡蝶都也成雙撩人舊事難忘曾是濃薰玉枕嬌  
映銀釭春風去也天涯怕著思量鑪欲燼月初涼枉傳  
來蠟忿奇方試重拈取絲絲不斷如我柔腸

揚州慢

癸巳仲秋十日至揚州王二允元邀遊城外諸  
園亭翠損紅敬增人淒黯旋艤舟平山堂小憩  
比歸則涼月滿衣矣

雲瘦流銀水肥圍玉小灣路轉虹橋喚紅闌牒子趁桂

霰初飄只幾處荒亭廢館柳枝何苦猶舞春腰更無人  
吟賞青山青到無聊 一編畫舫寫當年無限芳韶儘  
勝地清樽名姝豔曲都逐煙消最是二分明月無情甚  
只送秋潮問閒愁誰會聲聲低訴瓊簫揚州畫舫錄備  
載園亭歌舞之  
盛

### 金菊對芙蓉

循清涼山之麓至袁氏隨園衰柳淒碧芙蓉作  
花感秋氣之甚悲因賦此解

徑澀苔遮籬敲竹護青山影裏開門正霜鐘敲碎蜨魄  
鶯魂簾波捲盡恩恩夢膽樓臺峭倚寒雲南朝金粉風  
無腔村笛

卷上

五

流頓杳未忍重論 多少勝賞琴尊有相公朱蓋弟子  
紅裙問蕭然四壁殘墨何存含愁最是空潭水留不住  
扇影衫痕衰蕪碧斷可還字字唱出秋墳園側卽子  
才先生墓

### 霓裳中序第一

癸巳中秋僑寓白門僧寺孤鐘坐雨用草窗體  
填此闕

蘆倚響瑟瑟亂捲山中雲滌白齋磬聲中雨急正旅簟  
瑩秋龕鐙悽夕孤娥怨寂閉小窗羞照顏色吳郎老枉  
攜玉斧短夢逗寒碧 遙憶啼痕暗拭定桂院香鬢霧

溼瑤宮仙唱自拍奈枕印難温被香空浥粉河秋訊隔

又未見紅鱗竟尺重凝望一星愁歛扇底冷螢出

調笑令

江上送客

雙槳雙槳十里東風潮長鷓鴣瀟瀟分飛日暮江南客  
歸歸客歸客一劍天涯頭白

摸魚兒

寄張少伯縣丞

看髯龍舞空鱗甲蒼煙簾幙晴灑名園築就歸何日空  
占好山無價少伯卜築居巢之東黃山名十萬松園鞭鈍馬歎老矣塵埃

猶自遭訶罵哦哦松去也任破帙驅蟬小弓射鴨綠捲酒

無腔村笛

卷上

六

波瀉閒時節溪雨峰霞遍寫精妍奚九堪亞寒天捉  
筆憑呵凍春意小唇紅借香又地正門取纖蛾十樣嬌

難畫少伯年過七十而有妾四人君須記者記折柳催歌寄梅通驛

好絹爲儂研時余改官山左行有日矣

減字木蘭花

月兒何意學個人兒眉細細繡被香殘可與天涯一樣  
寒怕人寂寞又怕征程風水惡算著行期聽水聽風

太累伊

三姝媚

得內子書因填此闕寄答

芳叢尋露朵問珊瑚何來得卿心可訝瘦憎肥費幾回  
商略翠停紅妥替訴華年還問取名兒佳麼只欠丹青  
描箇真真錦書同裹 步步相隨天娜可學得新妝鬢  
雲低鞞試問前生是謫從何處玉清因果見面偏遲已  
打疊癡情無那但有星星偷染防伊覷我

高陽臺

題姚邦生山水冊子時在濠州

邦生  
杭人

帶孔移腰鞞紋斂面兔毛塵影人間洗盡空花雲心水  
態俱閒從來一顧難忘處是山光青到杯前最情牽海  
上潮生瘦玉浮煙

一圖寫  
浮玉山

吟瓢又傍淮南寄

一圖寫  
淮上諸

無腔村笛

卷上

七

山看劉家雞犬容易成仙桂隱頻招吳舫未定歸年西  
湖瘦得如盤小蘸晴嵐夢見猶憐

一圖寫西  
湖諸山

怪城尖翠

鳳相撩飛向愁邊

杭州倚鳳凰山濠州  
城外山亦名鳳凰

鷓鴣天

癸巳除夕至萊州內子已自沂莒先至

十月輕寒上畫橈恩恩春信轉陽梢分明約看清淮月  
不道來聽大海潮 山簇簇路迢迢真憐瘦損舊時腰  
冰荷雙照休嫌晚留住今年尙一宵

一落索

藤花

桃李開殘芳雨足正垂煙麗殿何人解與細雕成認串  
串玲瓏玉 竹邊亭子花邊屋鬧蠡聲撲漉闌干四角  
紫雲遮不讓出些兒綠

望海潮

猶颺宵鼓腥雲晨裂乘閒散策危亭環珮舞鸞樓臺吐  
蜃春窗倒影零星琴罷海山青醉中得奇句吟與龍聽  
萬里衰愁暝煙歸路指吳船 羣仙抗手相迎道人閒  
幾日白髮堪驚香案祕書層城舊事休教冷落緜笙豈  
不戀瑤京細算難拋卻柳緒花情且博干場劇飲高枕

看潮生

是日會客蠡勺亭醉中賦此

無腔村笛

卷上

八

摸魚兒

乾隆壬子先大夫客游歷下重九日家竹虛履  
留宿齋頭先大夫賦七律一章竹虛用詩中滿  
頭黃菊且留君句意寫圖以贈桂未谷復未谷  
因錄原詩畫端且爲之跋黃小薌晚亦有和作  
此幅今在萊州翟文泉進士云升所余官於萊  
乃得見之文泉工八分爲未谷入室弟子性喜  
菘菊爰賦是解以誌始末且爲我兩人結翰墨  
緣也

問晴鷗七橋煙月軒頭名士多少淋漓墨曰無乾日詩

聖畫禪爭妙塵夢杳賸一幅流傳海上吳箋好寒花醉  
拗想雨暗霜明天涯九日客枕雁聲早 恩恩甚電影  
人間過了生年重數懷情隆余生於乾隆壬子滄波沸月珊瑚枝斷  
照眼碧芙蓉小萊州有芙蓉島無故老只舊日元亭弟子粗能  
曉秋心漫惱趁漉酒巾香墓碑筆健籬下送幽抱

菩薩蠻

芳遊嬾去催金勒春痕只在雕闌側高竹出茶煙燕歸  
人未眠 柳顰絲雨濕綠到春無力剗地晚風顛落花  
飛上天

賀新涼

無腔村笛

卷上

九

花囊

淺碧深紅亞細裝成翠鈿擘扇

有兩扇合成者

玉絲留罅

有以銀絲

結網者

莫似紫羅輕賭卻應念脂妖粉姹擡起了天街花

價買得枝頭春多少鎖葳蕤未許輕輕謝香百和過檀  
麝 殘妝不整翻姚冶趁輕颺蘭香澡後嫩涼亭榭睡  
思催人鐙影暗瑤佩休教並卸通叩叩芳情先惹乍解  
羅襦微聞處正流蘇斗帳垂垂也消受煞此良夜

長亭怨慢

西村梅隱圖方秋白夫人趙湘蘋作也西村近  
孤山逋翁詩嘗及之今秋白客山左念泛槳之

無定知牽蘿之有愁出示茲圖依白石體歌此  
闕

認何處珠煙籠暝畫出橫斜半湖春影底事拋渠玉龍  
吹月夢空省酒瓢驢背歸去也渾難定折寄向東風怕  
客帳薰愁偏醒 香凝看脂肥墨瘦又帶淚絲紅併盟  
花語細怎忘得額鈿妝竟莫待到雪盡山空賸千點香  
瘢誰整且典了青琴先製浮家漁艇

木蘭花慢

題詩船送花三百作重陽冊子時同在山左試  
院

無腔村笛

卷上

十

數天涯節序簪幾度鬢黃紅趁石淨支琴鐙垂罷笛小  
飲千鍾叢叢雁霜乍點喚秋光盡向酒邊濃醉舞渾忘  
帽落清吟曾遣紗籠 恹恹鳳味夜堂空酒琺復誰同  
怕負他九日描些冷豔添伴高松籬東鶴鉏在否料黃  
花盼煞主人翁況有人兒瘦也小簾暮捲西風

憶舊遊

甲午八月二日詩船招遊明湖涼影萬碧參差  
弄晴山光水光渺在煙際回憶戊己之間遊此  
屢矣年矢迅激夢痕不留舊時酒人已似落葉  
眺望低徊不自知其詞之不能已也

趁晴收葦露靜約蘋風共扣輕舸一曲江南好似江南  
畫裏秋老魚天水窗記曾閒眺涼雨鷺鷥肩問斷柳疏  
疏漁洋去後曾有誰憐尊前試重認認潑眼湖光寒  
碧依然奈是滄浪遂把芙蓉殘夢吹作空煙醉中亂雲  
飛盡山也瘦於前解伴我閒愁沙頭月白鷗未眠

無悶

用王中  
仙體

松如餉故鄉新茗

秋掩重門人倚隱囊長日曹騰倦思喜茗串分香故人  
題寄乍覺家山在眼認片片春來煙痕翠竹陰小啜泉  
寒石瘦做成詩味猶記舊時事有活火新泉共消殘  
無腔村笛

卷上

二

月華清

仲甫遊吳中諸山歸以詩寄示

梧苑秋荒蓮涇春杳一筇霞外孤往幾處鐘鯨叩得白  
雲都響愜幽賞未倦吟毫縈綺夢忍遲歸榜羅幌有峯  
螺分翠箇人眉樣著意藤牋相餉遣萬疊山情到人  
心上水遠天長奈是雁魂飄颺指帆影客路仍迷添酒  
債舊遊難忘惆悵問梅邊一笛甚時同唱

時余將由  
皖赴黔

尉遲杯

用周美  
成體

挽小米中翰

閒風景甚轉眼換作淒涼影清襟漫檢題痕多少閒愁  
消領親刊小集嘗刊清尊集收拾到江湖姓名冷又爭知水

北春寒五更鶻血紅迸 閒中短策招尋憑山展湖檣

遍訪佳勝醉狎穠春花如海當日事花應記省而今便

梅邊譜笛也難喚瑤臺鶴夢醒賸新圖綠鬢風流曲闌

依舊同凭小米嘗畫東軒吟社圖寫諸同人及余小像其所居湖上數椽曰水北樓

瑣窗寒

崑山王一亭太守女名慧雲適夏參軍榮太守

無嗣旣歿慧雲葬之虎阜旣而隨參軍至皖念

無腔村笛

卷上

十二

墓祭之無人望故鄉而雪涕因作望雲圖以寫

悲思

畫槩搖春瓊籤鎖恨故鄉拋了吳楓落處隔斷萬重青

峭夢新阡煙霏滿林亂鴉墨陣爭啼曉正畫成慘淡難

收鉛淚鏡菱愁照 生小詩情妙記內集會誇撒鹽不

道如今獨自憶著山猿悲嘯傍清明寒雨未休隻雞斗

酒誰更弔只柔魂化作雲絲遠也飛能到

摸魚兒

暮秋遊大觀亭復至余忠宣公墓下作

指牀頭酒瓶空矣芒屨閒向何處偶然放眼危亭上風

景寂寥如許非故土凝望裏斜陽雁影分吳楚秋絃漫  
撫已一片鄉心趁他荻絮飛過射蛟浦茫茫恨世事  
滄桑細數江聲淘盡千古一坏薶碧還無恙知有鬼呵  
神護君自苦君不見鞞聲橐橐臣危素捫碑記取正槭  
槭蕭蕭靈旗影裏秋帶晚潮去

滿江紅

龍興寺懷古

天子歸來還戀著舊時齋鉢便題作江山第一梵天宮

闕山上有明太祖書第一山石刻

小劫易消兵仗雨淺山誰省蛟龍窟

只一生殺戒未曾除難成佛紅篋恨何倉卒南渡事

無腔村笛

卷上

三

成消歇抵人間一夢春光一瞥幻影都隨淮水去曉鐘  
還打高峯月賸殘僧煮茗款遊人梅花雪

百字令

帆影

暗移沙尾閃晴煙乍遣檣烏驚散隨爾蘋風吹不去比  
似溪雲還嬾柳外分明鷗邊滅沒都付斜陽管憑誰收  
拾畫船剛泊春岸漫說宮錦新裁迷離遙認空色如  
何辨遮住波奩春一段黯黯拖愁成片帶雨還來隨潮  
又去飄蕩江湖慣高樓凝望望中天遠人遠

金縷曲

鶻聲

伊軋煙中路記聲聲初離越岸乍經吳渚水膩風柔江南好纔到村橋咽住正悄夜無人私語玉腕吳娘嬌無力只低低和著篷窗雨偏省得翦波渡無端送遠催朝暮儘迢迢欺寒犯曉向人如訴驚起鐙前江湖夢恐是孤鳴雁苦便做得悽涼如許愁水愁風愁多少把愁心搖向天涯去孤枕上斷腸處

戀繡衾

重遊桃源洞

東丁巖溜鏘珮環遍空山雲帶曉寒落盡了桃花也賸無腔村笛

卷上

十四

蕭蕭疏雨斷猿 薛紋如繡仙扉近問鴻丹何日九還奈前度漁郎老負盈盈春水一灣

高溪梅令

小帆擺雨轉芳津悵臨分從此閒愁閒思攬春雲夢中春有痕和風和雨到重門又黃昏可怪斜廊西去悄無人一燈紅斷魂

小重山

七夕感懷

柳柳銀雲西北流三分梳樣月二分秋犀簾渾不約雙鈎玲瓏望獨自倚秦箏靈鵲信悠悠人閒偏不耐別

離愁年時約伴上鍼樓零星話往事怕回頭

齊天樂

秋蝶

南園草色萋迷甚深深暮煙猶見抱葉蟬瘖吟莎蛩老  
不似從前池館流光迅轉歎夢裏韶華已成空幻漫撲  
闌陰篋中拋冷舊紈扇消磨金粉幾許一生花裏活  
空被愁縮小舞還停雙棲縱穩謝客而今吟嬾餘芳弄  
晚怕搦得新圖又生悵眷憶煞羅浮畫衣仙路遠

又

秋燕

無腔村笛

卷二

五

飄飄已是秋風客紅絲感人離緒故國雲寒空梁月暗  
夢裏模糊歸路愁來漫舞賸芳恨絲絲幾回低訴檢點  
襟痕杏花曾染社前雨東西重覓侶伴天涯同住久  
商略同去罨翠簾櫳飛紅巷陌休戀曾經來處無人自  
語甚天氣新涼瘦來如許冷落釵頭畫樓人在否

又

秋鶯

幾家喬木風煙黯蕭然樹猶如此縷縷金消梭梭翠減  
寂寞當時公子虛闌倦倚問何處歌雲暖簧猶膩夢破  
遼西一聲愁滿夕陽裏瀛洲芳草綠後那回聽宛轉

宮苑迢遞萬柳搓煙雙柑款月往事都隨流水芳韶盡  
矣把一點流黃織成憔悴惱亂詩腸故將商調理

又

秋螢

疏疏梧雨清宵歇閒庭幾重深窈乍點輕衫還依小幔  
隱約微光流照煙昏露曉看如此飄零客腸易惱莫向  
書幃伴人清坐一星小長門秋更寂寞宮苔人跡斷  
涼信偏早畫燭休移晶簾不隔孤影相窺愁悄悄愁未  
了可記得前生玉階芳草一斛雷塘夢回銅輦杳

菩薩蠻

無腔村笛

卷上

六

朦朧倦思殘書掩篋屏燈閃紅星點幾處著思量夜長  
愁也長桐瓢涼露重驚鵲難成夢飛起一聲聲月明  
天未明

無腔村笛卷上終

無腔村笛卷下

錢塘吳振棫宜甫

浣溪沙

岸草未彫眠繡鴉籬花無次鬧秋蟲枯荷葉葉冷煙中  
記夢詩成瓊紙濕采香人去畫船空夕陽偏自可憐

紅

又

池上煙昏渾欲暮城中天暖未成霜柳絲一半是微黃  
嬾不登高拋酒棧倦還思睡就書牀一簾寒雨做重  
陽

無腔村笛

卷下

減字木蘭花

詠菊

疏疏落落除卻陶家詩總惡葉底枝頭兩雨風風領略  
秋秋光最好蝴蝶又驚秋漸老莫更飛颺守著東籬  
夢也香

鷓鴣天

獨自簾櫳獨自愁此情誰與訴蟾鈞人間一樣風和露  
爭遣天涯算易秋清冷處怕開眸晚天花影曝衣樓  
紅牆長恁迢迢隔不放銀河到地流

又

倦筆題牋墨不勻，巡廊負手臙微醺。  
斷霞曳尾紅成縷，芳草齊腰碧似裙。  
詩硯冷，茗鑪溫，夜深蠻笛那堪聞。  
白楊齋舍廉纖雨，知是秋痕是淚痕。

又

望遠何時得展眉，鬢絲蕭瑟怯風吹。  
生看楊柳真憐汝，便有芙蓉未是媒。  
羅袖黠，玉絃摧，懷人懷夢百千回。  
曲屏細把瓊籤數，紅燭心長寸寸灰。

又

月市星街驟玉驄，舊時名落五陵中。  
情懷老去蟲含蓼，蹤跡新來鶴在籠。  
今與昔事成空，百年分付酒邊風。  
無腔村笛，  
寒花自耐冰霜性，嬾炙秦笙唱鬧紅。

卷下

二

陌上花

寄懷嘯雲弟重遊蜀中

同騎竹馬門前難忘小時時序

初至蜀時余年十一弟八齡耳

激箭流

光秋滿一梳霜縷蜀絃更譜芙蓉豔，遍寫謝箋愁句問。  
遊牀可有舊時裙，屐浣花吟侶。渺天涯，又春池夢斷。

卅六紅鱗還阻兩樣蠻山一樣客，窗情緒得歸那肯蕪。

絲負偏惱樓頭鶻語，待何年共向雙橋閒聽梧桐疏。雨

弟所居在橫河東西兩橋之間，門前梧桐數本清陰可愛。

眉峰碧

側側輕寒送月逗春雲  
縫花影重重疊疊來直壓得闌  
干重 有箇無人弄有酒無人共  
冷冷清清又一宵亂  
山圍住孤燈夢

眉嬾

玉兔朝元硯做宋製形正圓高一寸大五寸許  
背刻月兔四圍刻乾隆 御銘嘉慶間外舅王  
勿庵侍郎官翰林 尙方所賜也甲戌內子來  
歸攜充籤具今三十餘年矣故物猶存芳嶽已  
杳開匣循視輒爲惘然

記瑤宮初賜玳桮分將新琢嶺雲紫袖裏攜明月殷勤  
無腔村笛

卷下

三

贈團圓妝鏡相似對吟鳳紙付卅年風雪雲水奈偏是  
被墨磨教老黛愁沁螺子 彈指光陰如駛自藥娥去  
後仙桂寒倚繡纈囊封在瓊籤冷無心重檢眉史翠紋  
乍洗更遣誰親捧湘几騰鸞眼依然鎮相對淚痕泚

霜花腴

題仲甫煙波漁唱因憶西溪舊遊

病懷落窠掩故扉青春夢斷槐柯村月窺眠渚雲扶醉  
閒塵不上漁簑釣徒自多那似君西塞烟波况新來買  
得樵青倚嬌應賽小紅歌 猶憶短篷同倚看梅邊雪  
外綠染峯螺鴻爪難尋魚鱗難覓西風渺渺關河闕來

強哦便乞歸雙鬢先皤算風流二老重來奈他鄰笛何

同遊西溪如書農薊泉  
小米蕙窗皆已下世

### 金縷曲

夜雨浪浪秋暑頓盡同人集虛受堂和喬見齋  
中丞作

打稻村村了怕乾晴豆畦菜圃雨來須早一夜淋浪檐  
花碎洗盡人間熱惱聽好語田更先道三尺蘆笙豐年  
樂趁官閒也合金尊倒秋草徑短奚掃 俸錢月請容  
吾老奈吳霜無端著鬢幾絲先編咳唾九天生珠玉暖  
眼能迴枯槁况彩筆爭傳妍妙萬里蠻山登高約買雙  
無腔村笛

卷下

四

整更覓新詞料休負卻菊花好

### 轆轤金井

西園石缸鑄萬里橋三字不知何時何人所名  
也客懷無俚作此解以賦之

船符驢券儘狂遊草草一生蓬轉幾字題橋惱驕人心  
眼風長路短破高浪病懷渾嬾扶杖經過最憐蛺蝶夢  
中家遠 飛梁粉江古岍記當時送別春草如翦霜鬢  
而今更蠻雲愁滿憑欄自遣問何事六橋歸緩錯擬門  
前吳船夜泊月明波淺

成都城外萬里橋余嘗至焉杜  
句門泊東吳萬里船宋人句蝴

蝶夢中  
家萬里

瑣窗寒

蘆笙以竹爲之有長四五尺者黔苗以爲樂具  
跳月之夕男吹笙女振鈴以和之相愛慕者遂  
爲婚姻習俗然也客窗苦雨忽聞是聲不禁邊  
徼之感

五尺娟筠蠻娃舊製箐村攜看參差鳳翅可也十三句  
按月朦朧春山踏歌幾枝亂趁喉珠串指瘴雲碧處花  
陰鈴語帶羅新換

男女自訂婚盟互贈一帶謂之換帶苗俗也

悽怨聽難

慣奈一片烏烏酒邊燭畔羈愁易惹恐是霜蘆哀雁似  
琵琶江上乍聞客衣淚濕腸盡斷莫迴思繡幙銀簧月

無腔村笛

卷下

五

底嬌鶯囀

柳梢青

悄不逢人檐絲蛛小壁篆蝸勻斷樹橋西斜陽無語淡  
寫秋痕 亂山不送雙輪但極目江雲海雲昨夢低篷  
去尋故渚老盡吳蕪

浣溪沙

鎮日西園鎖寂寥一囊詩瘦半琴焦更誰搗月譜紅簫  
淺澱移萍千疊皺疏煙冒竹幾絲消醉扶花影過雙

橋

又

樹繞清池不作行，微風吹綠上魚牀。  
獨攜團扇立殘陽，彩袂多情招蛺蝶。  
玉壺無語叩鴛鴦，雙蕖背影褪秋裳。

一 剪梅

江山船

翠鷁江干統羽輕，風過灘平雨過山。  
明儂家九姓總娉婷，花是芳名絮是癡情。  
金鳳檀槽夜夜聲，新曲還生舊曲重。  
聽泥人不許數歸程，住也難行醉也難醒。

摸魚兒

柳阮卽養童，阮隸養龍，可去貴陽郡治百里而無腔村笛。

卷下

六

近舊產良馬，明洪武初夏國主貢馬十其一，最神駿。柳阮產也。太祖賜名飛越峯，金華宋公濂爲天馬讚述其事甚詳。今嶺善荒涼無復有過而問焉者，塵談偶及，遂系以詞。

九方臯一人而已，人間多少皮相空。聞此地誇飛越名，字紫宸，親貺奇，共賞蹀躞處春風。閭闔隨仙仗，峯迴徑枉歎寂寞。如今臺荒金盡，駿骨更誰訪。蠻村外冷翠

濛濛柳漾翻添遊侶，惆悵牛宮豚柵參差處，瘦騎病嘶相向空。夢想又怕是圖成，錯認蟾蜍樣。簫鏡競響，問雪

嶺西頭，漢家天馬樂府可曾唱。

于時西陲不靖，方命大帥出師。

尾犯 用柳體

詠雞壇

峯陰雨洗正筠籃新摘暖風村市短抽珧柱圓承珂雪  
苔香微綴鼎娥細瀹更不數桑鵝美趁山厨未解清齋  
漫誇千蹠豪侈 忽憶前朝催貢看飛擎一騎馱空付

他吟客玉箸金盤淒涼詩史且侑杯中蟻休待到凍香

浮起 又一種名凍 憐軟玉最稱殘牙未輸蕤葉秋味 潭

張九錫雞壇詩翠籠飛擎驛騎遙中貂分賜笑前朝金

盤玉箸成何事只與山厨伴寂寥自註明嘉宗嗜此滇  
中歲馳驛以獻

訴表情

無腔村笛

卷下

七

深院香滿春夢遠起來遲寒側側風色曉鶯知無語畫  
簾垂飛飛落花難上枝最愁時

又

亭午微雨春縷縷柳風偏人迹少芳草碧於煙無賴艷  
陽天纖纖亂塵棲玉絃又經年

憶舊遊

春日懷故鄉諸友

又吟蘭眷夢洗杏窺妝客瘦春腴不奈紋窗雨聽山禽

兩雨蠻語模糊小洲乍攀芳杜 芳杜洲在貴陽城南 湘瑟怨何如

算看遍芳韶雲香月豔總讓西湖 當初約裙屐認柳

外堤雙花裏山孤定有新遊侶趁初鶯么蝶忙煞工夫  
彩毫賦成招隱多謝寄文無只未穩歸期春船慣負雙  
玉壺

山亭宴

丁未夏日重遊相寶山僧寺記與雙圃夢韶宴  
集於此越四年矣墜歡難續風景頓殊既深逝  
水之嗟彌軫停雲之思

幾峯夢雨吟鶯細勸花前別觴猶記不見倚闌人又頻  
換枇杷冷翠隔林清磬慣相招奈塵髮和愁難薙牆角  
乍迴看有舊日留題字 故人索米去迢遞賦燕雪鳳  
無腔村笛

卷下

八

城策騎

夢韶官京師

何似賦歸來泛楚月烏篷倦憩

雙圃已歸長沙

蠻花何意苦留人更笑我幾年孤寄莫傍碧溪行怕照  
出人憔悴

雙雙燕

用夢窗體

白燕

自王謝後換門巷烏衣舊情休憶春塵不染冷眼似曾  
相識溪澗雙雙乍掠便錯認晴鷗顏色昏煙一剪分明  
未怕花陰深黑 簾隙朧朧月白鷺地乍歸來悄然難  
覓梨雲吹夢還戀玳梁春窄秋社光陰近也素心侶如  
何拋得誰似玉顏借問漢宮當日

摸魚兒

車旗

讓他人八騶高唱前旌華羽爭豔絕憐冷落蘆篷上風  
影也看磨閃裁製儉儘尺布尖尖一角縫來欠濃塗亂  
點只路遠天長霜零雨漬幾字墨痕減 低迷處要把  
階銜細瞰模糊多被塵掩還防沒字翻新樣望眼被伊  
撥賺輸畫艦有勿勿丹黃大幅檣梢颭斜暉乍歛正馬  
脫愁韉人投倦榻低插認山店

又

車簾

無腔村笛

卷下

九

更休論繡紋花感雙雙銀押低漾誤將映月留香意侈  
向客中相傍垂處響怕撲面塵多不肯西風障愁心暗  
長總密密遮寒昏昏做暝秋夢幾分釀 開眉笑捲起  
斜陽一桁霜篷高揭晴爽輸他繡幃嵌雲母絕似小團  
月晃相遇倘更隱約仙娥隔箇蓬山想年徂事往只閉  
置朝昏飄搖雨雪一片斷魂颺

又

車鞭

記年時寶鞍珠轡珊枝紅瑩曾把瘦篁幾尺憑收拾身  
手也誇秋駕工罵馬料得是聞聲局促悲轆下蕭蕭大

野儘急勢駢塵閒情數闔先著那須話聽驪唱贈策

前番恨惹攜來長短相亞大車用鞭一長一短有時袖手渾無用

但遣一梢影挂難忘去聲者是彷彿風荷擺葉涼波畫夫車

用鞭有風擺荷葉之名湖埂去也待賃就驢羈驅將塵柄低叱趁

村社

又

車燈

客衾寒睡何曾著荒雞啾啾啼早高轅人語分脂炬俄  
頃遠移官道紅最好似的的城頭欲落春星小煙迷霧  
杳正輓轆鳴沙低昂隔樹依約見村堡天涯路莫被

無腔村笛

卷下

十

風欺雨鬧紗籠商略低罩添來淡影三分月畫出馬蹄  
草草山徑繞又滴盡淒涼蠟淚天難曉羈懷自惱怕籠  
竹秋眠甌花夜卜闌夢更悽悄

齊天樂

戊燈

嗒嗒點點昏鴉外遙憐隔江孤戍短堠分明高旗掩映  
正是秋聲來處驚烽罷舉只疏燄搖紅畫烏亭古借與  
餘輝馬蹄休錯往來路龍鍾三兩老卒有懸鶉結束  
烘蝨情緒土鏗斜依蘆簾密障不管風尖月苦還家夢  
阻便照盡離愁夢中誰訴似閃秋燐夜深聞鬼語

又

佛燈

諸天照破曇雲外  
晚鐘幾聲初緊放  
大光明消諸苦惱  
智炬原來無盡禪  
心靜引任吹動旛  
風月仍同印幻影  
如如定身須把本  
來認 年來情燄已  
熄對琉璃一椀  
跌坐安穩暗壁幢  
幢孤龕寂寂又有  
殘僧夜趁閒拋未  
忍正看到傳燈墜  
紅成燼一箇茶毘  
錯教人笑哂

又

漁燈

鳴榔聽過汀洲曲  
昏黃一星遙睇楚  
竹燃餘吳楓落處

無腔村笛

卷下

十一

幾箇浮家蘆柁呼  
兒夜起看斜閃沙  
頭亂搖波底記得  
前番冷光鮐板正  
秋霽 仙源何處更  
問只滄浪一笛  
忘了身世蜃蓋凝  
膏烏篷掛影照得  
衰翁爛醉花開太  
喜料舉網明朝玉  
鱗香膩夢醒霜蓑  
月釣移舵尾

又

書燈

紙窗竹屋孤吟處  
年年與儂相伴字  
細防訛更長易滅  
不奈垂垂紅淺纔  
挑又翦儘低映蟾  
鈎誤猜螢案乞火  
人來曉窗分與碧  
煙遠 千枝春市漫  
憶只蟬紅蝨綠  
憑仗消遣老去昏  
眸兒時賸味總是  
難拋夜半寒檠甚

短問富貴誰家冷歆牆畔忽夢瑤宮影偃蓮炬暖

又

驛柳

前生天上星芒大移根乍添悽悄慘慘啼烏荒荒落月  
盡是天涯懷抱青青自好問冷眼風塵閱人多少絮點  
冥濛馬頭飛逐送春早江潭容易日暮聽村笳戍角  
秋信先到野露催黃驚沙蝕翠萬緒千絲愁繞關河路  
杳已笛怨聲聲玉門人老羨煞靈和御鑪煙細裊

長亭怨慢

己酉正月雪中過灞橋作

無腔村笛

卷下

七

亂鴉外昏煙無際卻傍秦川畫輪塵細驛路天長故園  
消息有誰寄倦魂無賴閒覓箇膏騰睡不奈雪和風又  
逗弄酸寒詩味此地縱無人怨別也自惹人清淚長  
安近了有多少故宮遺事是那處杜曲樊川只凝望殘  
鐘聲裏怕柳意回春愁更絲絲難理

百字令

驪山下華清宮故址

釵鈿賜後正華清微暖凝脂初浴密鬢文瑤供奉好不  
數長湯十六石白浮蓮塵紅進荔嬌睡春難足霓裳按  
舞醉中中使頻促一自錦襪香消傷心惟有夜雨淋

鈴曲辛苦鴻都癡道士比翼他生未卜筓殿豈吟梨園  
鳥散繡嶺荒雲木空槽泉咽夜深還飲仙鹿

滿江紅

已酉春重至成都作

禿盡吟毫重問到錦江春色是何處玳梁燕子舊曾相  
識郫縣酒筓春味短薛家牋樣香痕窄算多情來補海  
棠詩當時缺已近了衰孱日還自作羈孤客認渚柳  
潭花都迷舊蹟夢趁一江流碧遠淚攪萬樹飛紅急怎  
攜家偏傍杜鵑城啼聲切

八聲甘州

無腔村笛

卷下

三

得仲甫書并寄李西齋項蓮生二家詞作此答  
寄

勸加餐休更憶吳羹殷勤故人書更瓊函雙贈靈芬沁  
骨如味雲腴只惜清才侷僚小劫付空虛笙鶴瑤京遠  
仙唱今無欲約煙波漁侶便賃將青舫尋向黃墟歎  
年年浪跡鷗夢撇西湖抗緇塵早衙袍笏笑近來吟思  
涇寒竽無聊甚草堂微雪梅樹花初煙波漁唱仲甫所著詞名

清平樂

天涯石在成都東北隅小巷中

蕭來星漢莫把支機喚海便枯時不曾爛莫遣傷心人

看 排來甲乙誰家濛濛活翠苔花我亦思量漱石如  
何慣住天涯

慶春宮

簾波

銀押流雲瓊鈎銜月碧痕蕩漾無際吹縹緲東風千卿何  
事慣來低掠燕子看棋心嬾對清簾涼紋似洗斑筠疏  
密翦取瀟湘一匳煙翠 卻隣屋小於舟吟望空明短  
紅闌裏千縷紫迴一重掩映秋影銀河搖碎晚來垂處  
有人隔玲瓏悄悄倚盈盈脈脈微步如仙襪羅塵起

六么令

無腔村笛

卷下

十四

春日遊薛濤井作

絮交飛處春與綠陰遠嫩煙做晴纔穩趁拍鶯聲短來  
拭銀牀碧繡乍冷尋春眼春無人管枇杷花裏漫問詩  
家舊庭院 幾許清歌嬌語笑侍華燈宴視北小宇空  
留一霎芳雲散賸有香渟碧注留住情波淺短牋紅膩  
露桃偷染憑認東風那人面

濤字慶宏見硯北雜志  
蜀中製薛濤箋色甚豔

應天長

蘋花初開妍淨可愛倚闌賞頗觸江湖之思

織莖冒岸疏葉貼波空匳雪影涼聚正是曉煙初散柔  
媚倩誰護紅蜓翅飛不去定戀那露香濃處怕零落付

與詩家畧寫秋句 何處最關懷  
渺渺汀洲吳榜記前  
度換了菱謳菱唱清愁又如許  
無人採空日暮睡夢裏  
待尋歸路恁情思沒箇人知  
憑向鷗語

漢宮春

桐花鳳

何處飛來正青琴鳳奏彈到  
么絃新桐幾花曉綻香露  
杯圓春風嬈娜碧枝棲老  
何年看掌上輕盈瘦燕比  
來還讓嬌纖 生小十分憐  
惜儘釵頭逗豔扇底窺妍  
蔥尖對描繡樣碧乳重添  
芳韶易歇逐秦簫一去如仙

還記取郎情妾意背人呪  
向花前

漁洋詞妾似桐花鳳  
花郎似桐花鳳

無腔村笛

卷下

一

浪淘沙

歸燕語昏黃窳地簾長可憐  
瘦影可憐香只有幽蘭三  
兩箭伴著吟窗 淺笑背銀  
缸一半羞郎又催斜月下  
迴廊團扇乍拋釵乍卸天  
氣新涼

陌上花

圓圓小影二幀在昆明城西  
小庵一內家妝一  
比邱尼像

將軍萬騎歸來愁煞玉顏難  
再奪得春回圓似十分蟾  
彩盡拋舊院笙歌侶自埽內  
家鉛黛問妝樓賸有畫螺  
眉樣一峯青在 是何時換  
三衣皈佛箇裏傷心誰解

劫冷昆明悟了色天空界一般一樣嬋娟影看作淒涼  
桑海這丹青合喚梅村魂返清詞重灑

東風第一枝

黑龍潭唐梅闡三十年前尙存今枯根亦什矣  
甲寅上九命侶往遊惟野梅數十枝爛若晴雪  
而已

老鶴招魂仙虬蛻骨一千年後餘恨玉妃消息沈沈怕  
向翠禽細問瑤臺夢斷算歷劫情根纔盡最惱人多事  
東風又弄另般圈暈 看幾處瘦描畫本偏早有墜香  
飄粉嫩寒殘笛高樓譜入漫聲未穩酥融黛注枉學作  
無腔村笛

卷下

去

唐妝風韻便道是環珮歸來夜月喚誰重認

惜紅衣

蓮笑樓在菜海東花時往遊因賦此解

借樹藏樓披蘆覓岸野風消醉歷歷疏紅鷗邊畫秋意  
仙裳縱好偏慣向天涯憔悴休矣最惱客心是聲聲漁  
柁 花真解笑笑我何癡偷閒老無計魚雙雁隻望斷  
故人字幾度柳陰逃暑玉藕香中猶記問一甌今日爭  
似碧湖涼味

藕香居吾杭湧金門外茶肆也荷花開時遊人極盛

攤破浣溪沙

花底玲瓏月一窗照人孤影最淒涼偏有惱人紅燭蕊

並頭雙 看書每憐吳樹遠上樓真恨楚天長病裏心  
情愁裏語怕思量

浣溪沙

樓外聲聲夜雁過微風一葉卸庭柯不癡不醉奈愁何  
牀上枯琴塵欲滿尊前殘燭淚偏多更無消息問銀  
河

風入松

過連理亭有感

斷梢枯翠黯苔紋亭榜只空存舊時鳥亦雙棲慣怪慧  
風吹折情根無那梨消殘夢可能梅返香魂 絲絲餘

無腔村笛

卷下

七

恨總難論羅襖不勝春籠鞭敲帽秦關去美人雲都帶  
愁痕搔首低吟誰覺一天微雨黃昏

無腔村笛卷下終

